



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. 1. De requisitis ex parte conficientis instrumentum publicum.

---

[urn:nbn:de:hbz:466:1-73001](#)

Unde, quando L. 20. C. b. t. dicitur: *comparationes literarum ex chirographis fieri, & aliis instrumentis, quæ non sunt publicè confecta, solum colligitur, ejusmodi comparationes, & transumpta, quæ non sunt publicè confecta, non esse formaliter instrumenta publica; cum quo stat esse scripturas publicas, si asserventur in Archivo publico.*

## ARTICULUS II.

*De requisitis ad valorem instrumenti publici à persona publica confecti.*

1789. Cum instrumenta publica plenam fidem faciant, ut dicemus à n. 1818. extra dubium est, plura requiri non tantum in ipso scripto, seu scriptura confecta, sed etiam ex parte illam conficientis; cuius ratio ex eo sumitur; quia quod unius hominis scripturæ (quæ est quasi testis mortuus, & inanimatus) plena fides adhibetur, etiam in præjudicium Tertii, fine alia viva voce, & adminiculo, est valde exorbitans à jure communi; cùm ejusmodi fides, nec scripturæ, aut sigillo alicujus Magistratus haberi soleat, ut dicitur c. post cessionem 7. de probat. ubi dicitur literis Judicis ordinarii (v. g. Episcopi) credendum esse sic, ut illi standum sit donec contrarium ostendatur, sed in quæstione non cedente in præjudicium alterius; de hac enim ibi nihil definitum est; cùm quæstio mota duntaxat fuerit, an W. communicatus fuerit? dum prourationis officium assumpsit: cùm, inquam, hoc valde exorbitans sit; omnino necessarium fuit, ut, cùm tales scripturæ conficiuntur, tam in ipso instrumento confecto, quam etiam in Conficiente plura exigent ad ejus valorem, ut gravia aliorum præjudicia, contra quos, vel à quibus producuntur, justitiâ naturali id exigente, caverentur; quibus positis:

## §. 1.

*De requisitis ex parte confidentis instrumentum publicum.*

1790. Communis tenet, non à quolibet Tom. II.

valide confici posse instrumenta publica; sed ad hoc necessariam esse personam publicam, quæ ad id authoritatem habeat ab eo, eo qui talem eivim jure concedere potest. Tales porro personæ publicæ sunt Notarii, seu Tabelliones. Nomen Notarii, teste Suetonio in Galba c. 5. illis olim applicabatur, qui notis quibusdam, & compendiis dictiōnum, Sylabarum, & literarum aliquid breviter perstringere, non omnibus literis integrum prescribere solebant; in eadem significatione accipitur in L. Lucius ff. de milit. testam. ubi hæc habentur: *Titius miles Notario suo testamentum scribendum notis dictavit;* hoc est, per literarum compendia, seu breviaturas. Nunc autem dicitur Notarius, à notando, & est persona publica, ad quam spectat negotia hominis, publicè, & authenticè in publicam, & authenticam formam redigere. Cœpit hoc munus in Ecclesia à S. Clemente, qui septem Notarios creavit, ac divisit per septem Romæ urbis regiones, à quibus etiam Regionarii dicebantur, ut martyrum cruciatus, & mortes describerent. Di-cti à regione: est autem Regio vicus civitatis. Unde regiones Romæ appellari cœptæ à similitudine illarum regionum, in quas orbis dividitur. Cùm verò ab Antero Papa statutum fuerit, ut eorum scripta in Scriniis Ecclesiæ servarentur, hinc forte Scriniarii appellati sunt, c. Ad audientiam, de prescript. ubi gloss. Prothonotarius, inquit, est primus, seu princeps Notariorum, habens dignitatem. Tabellio, ut notat Pereyra in Elucidar. n. 507. §. est autem, est publica persona, sacramento adstricta civitati, rationes, & acta in formam publicam redigens, à principe ad hoc officium deputatus, & confirmatus: & potest sic definiri: *Est persona publica, habens officium scribendi instrumenta super contractibus, vel aliis rebus ad faciendam fidem super eisdem.* Quamvis autem aliqui distinguant M m m inter

inter Tabellionem, & Notarium (ut Tabellio sit officialis, qui munere publico instrumentis rogandis præficitur, seu, qui alterius mandato instrumenta conficit, v. g. Regis, aut Cancellerii, mandata, privilegia, & diplomata expediat: Notarius autem, qui ab alio dictata excipiat) plerumq; tamen uterq; terminus promiscuè accipitur; hispositis:

1791. Quæstio I. est, quis possit creare Notarios publicos, seu Tabelliones? Respons. tales creari posse à supremo Principe, vel alio in terris suis Superiorum non recognoscente. Solus enim supremus Princeps in his, quæ à jure communi exorbitant, potest aliquid constituere dispensando, vel novum jus introducendo; quod etiam intelligendum venit de his, quibus ipse hanc facultatem delegat, vel privilegio indulget; aut immemorali consuetudine præscriperunt. Et quoniam recepta jam consuetudo habet, quod Magistratus etiam inferiores constituant Notarios *intra territorium* suum, idem de his dicendum venit, ut colligitur ex c. cùm dilectus 9. b. t. ibi: *super tertio verò articulo respondemus, quod si consuetudo illius patriæ obtineat approbata, ut instrumentis illius Regis fides adhibeat: vos ea securè poteritis admittere: præsertim cùm supradictus Rex tantæ fuerit honestatis, quod ipsius instrumenta maxime auctoritatis sint in partibus Scotticani.*

Quamvis enim scriptura, seu literæ Regis, Principis, Episcopi, & Capituli, (licet sint personæ publicæ) de jure communi censeantur *privatae*, quia ad illorum officium publicum non pertinet instrumenti confeccio, ut notat Vallensis b. t. §. 1. n. 5. consuetudine tamen ejusmodi scripturæ possunt habere vim instrumenti *publici*, ita, ut Rex, Princeps, vel Episcopus quoad hoc æquiveat Tabellioni, vel Notario publico per dict. c. cùm dilectus, quod licet loquatur de rege, eadem tamen ratio est in alia persona inferiori, quod expreſſe tradit Joann. Andr. in c. Secu-

lares. de foro compet. l. 6. in Novell. & Bart. in L. Servus communis. ff. de ſi-  
pulat. servor. ubi addit, quòd Judex per  
h. t. ipse possit scribere acta, & fides ei  
adhibetur, si hoc habeat consuetudo,  
non tamen nisi in causis voluntariae  
jurisdictionis, aut parvis. Cessante  
autem consuetudine, hoc solum poterit,  
si simul sit Judex & Notarius, ut  
notat Innoc. in c. 2.

Duo sunt, quæ circa Notariorum, vel 1792.  
Tabellionum creationem aliqui ob-  
servant; primum est, quòd, licet Notariorum officium suum exercere possit  
etiam extra judicium; creari tamen  
non possit extra illud; eò quòd talis  
actus sit judicialis; & consequenter  
extra territorium fieri non possit;  
arg. L. fin. ff. de jurisdictione. 2. quòd  
non valeat statutum Magistratus inferioris;  
vi cuius ipse possit Notarios cre-  
are, vel aliis facultatem dare, crean-  
di, licet hoc jus acquiri possit consue-  
tudine. In ratione discriminis non  
conveniunt DD. Innocentius in c.  
penult. b. t. num. 2. rationem reddit,  
quia ad inducendam consuetudinem  
requiritur, ut interveniat consensus  
superioris Principis expreſſus, vel faltem tacitus: quod au-  
tem Princeps approbat, ipse facere  
videtur: Secus autem est in statuto.

Hanc rationem improbat Abbas 1793.  
in dict. c. penult. n. 8. eo, quòd valeat  
consuetudo, etiam ignorante Prin-  
cipe, introducta. Aliam ergo ipferationem dat; quia in consuetudine  
concurrit consensus universitatis, seu  
populi, qui cùm posit ordinariam  
jurisdictionem dare, multò magis po-  
terit tale officium concedere: at sta-  
tutum Magistratus inferioris tantam  
auctoritatem non habet. Sed in hoc  
puncto rectior videtur ratio Innocen-  
tii; quando enim dicitur valere  
consuetudinem inductam *etiam igno-  
rante Principe*, non excluditur e-  
jusdem consensus *legalis*, in c. fin.  
de Consuet. Nam nullus etiam  
longævus usus vim legis obtinet,  
aut pro lege recipitur, nisi in vi le-  
gis, à Principe conditæ, usui longæ-  
vo

vo concedentis authoritatem legis, si rationabilis sit, & continuatus tempore à jure præscripto, ut diximus *I. i. tit. 4. de consuet.* Quando autem dicitur, quod consensus universitatis, vel populi, possit ordinariam jurisdictionem dare, accipendum, non quod solus populus, sed cum suo capite; sicut nec consuetudo dat jurisdictionem, vel error communis, etiam cum titulo; sed solus Superior, in talibus circumstantiis, accedente consensu populi, supplens defectum. Unde, quando quis ex titulo colorato, re ipsa nullo, errore communi habetur pro vero, & legitimo Parocho, non populus, non error communis, sed Ecclesia jurisdictionis defectum supplet; & sic accipienda venit lex *Barbarius ff. de offic. Prætor.*

*1794.* Quæstio altera est, quæ requiratur, ut quis passim creabilis sit in *Notarium?* Resp. in ordine ad hoc requiri plures conditiones breviter referendas; & 1. ut tradit *Sylvester in Summa V. Tabellio q. 2.* debet esse natus thoro legitimo; 2. liber, non servus; hic enim capax non est officii publici; 3. ut sit instructus scientiâ ad hoc munus exercendum requisitâ; 4. ne sit Clericus in sacris, per expressum textum in c. sicut. 8. nec Clerici, vel Monachi; 5. ne sit excommunicatus vitandus; Layman, *L. i. Summa, tr. 5. p. 2. c. 2. n. 15.*

*1795.* Not. autem, non omnes *Notarios* æqualis esse potestatis in ordine ad conficienda instrumenta *publica*; nam quidam sunt Notarii summorum Principum, & in dignitate constituti, quorum officium est, Leges, Constitutiones, Oracula, & Rescripta Principum edere, promulgare, ac subsignare, qui alicubi *Cancellarii* vocantur; alii deputantur principaliiter ad scribenda acta judicaria, qui citationes, libellos, appellations, positiones, sententias, & alia hujusmodi acta judicaria recipiunt, notant, & publicant; alii principaliiter ad hoc assumuntur, ut contractus, testamenta, aliasque ultimas voluntates in publicam formam redi-

gant; alii deputantur ad rationes publicas conscribendas, distinguendas, & pecunias recipiendas: alii denique pro locorum diversorum consuetudine aliis certis officiis destinantur. Ex his præcipuum locum tenent Notarii creati a summo Principe, Pontifice, vel Imperatore; hi enim ubique confidere possunt instrumenta, quibus creditur, adeo, ut Notarius creatus ab Imperatore, seu Imperiali auctoritate, soleat confidere instrumenta super beneficialibus, & spiritualibus.

Quæstio 3. est, an instrumentum *1796.* à Notario confectum fidem faciat, si ve intra, sive extra territorium constituentis confectum sit? Non est dubium habere vim illam, si confectum sit *intra* territorium constituentis pro ejusdem subditis; difficultas est, si extra jurisdictionem constituentis? Resp. Notarium *extra* territorium constituentis non esse personam publicam; nec in eo locum esse prorogationi jurisdictionis; cum non gaudeat jurisdictione, sed tantum officio. Quarè spectato jure communis nec Notarii Pontificii extraterræ, Ecclesiæ subiectas; nec Imperatorii extra terras imperii, possunt confidere instrumenta publica. Sed hoc habet plures limitationes 1. ut non procedat, si Notarius rogatus à subditis ejus, à quo creatus est, extra hujus territorium instrumentum conficeret; hoc enim valeret ad probandum *intra*, non autem *extra* territorium; ratio primi est, quia actus potestatis voluntariæ, etiam extra territorium exercitus valet; secundi autem, quia Judex alterius territorii non adstringitur credere homini, qui pro tali loco non habet personam *publicam*; nisi aliud habeat consuetudo. Limitatur 2. ut non procedat, si Notarius rogatus ab extraneis, intra territorium constituentis, conficeret instrumentum; nam sic jam accepisset fidem publicam, nimis a Notario in loco, ubi habet personam publicam; nec obstat, illos, pro quibus confecit instrumentum, non esse subditos illius territorii; quia actus ab eo, qui poten-

M m m 2 statem

statem habet, etiam à lege solum municipali, exercitus inter volentes, etiam si alioquin non subditos, valet apud omnes, quin mutatione loci authoritatem, quam jure communis habet, amittat.

1797. Dux supra, *spectato jure communi*. Nam Praeses Provinciæ, in suæ Provinciæ homines tantum, imperium habet, & hoc, dum in Provincia est; nam, si excederit, privatus est, ut dicitur *L. Praes 3. ff. de offic. Præsid.* ubi nota, *ly imperium*; hoc enim innuitur, quod non in extraneos, nisi volentes. Ex quo fit, Notarium extra territorium constituentis, *spectato jure communi*, censeri personam solum *privatam*; consequenter non facere fidem publicam pro instrumento inter extraneos in alieno territorio, seu jurisdictione confessio: de consuetudine tamen aliud fieri potest, ut instrumentum à Notario confessum etiam pro non subditis, ac extra territorium constituentis, obtineat vim probandi; cum ejusmodi actus non sit jurisdictionis contentiose, vel voluntariae, sed potius officii; de quo V. Card. Tusculus *V. Notarius, conclus. 72. à n. 1.* Imolain *c. penult. h. t. n. 5. & alii.* Dux *officii*, nimis secularis, & meri ministerii, propter quod etiam in causis spirituibus, ac Ecclesiasticis officium Notarii à Laico legitime exerceri potest; sic Abbas in *c. sicut, 8. Ne Clerici, vel Monachi, à n. 15.* Aliquem porro esse Notarium, probatur vel instrumento creationis; vel testibus, qui adfuerunt creationi; vel instrumentis pluribus jam confessis, & rite productis.

1798. Quæstio est 4. quæ observanda sint Notario in confessione instrumenti publici? Rz. quod contractum, vel dispositionem, super qua conficit instrumentum, describat fideliter, ac integrè, nec conficiat super materia illicita; ut colligitur ex *L. 14. §. 3. C. de SS. Eccles.* ibi: *bis Tabellionibus, qui hujusmodi contractuum vetitorum ausi fuerunt instrumenta conscribere, irrevocabilis exilio animadversione plectendis.* Sicutem Notarius per imperitiam parti noceat, ex justitia tenebitur ad damni reparationem, ac ejus, quod interest; de quo apud

Haunoldum *tom. 5. tr. 4. n. 364.* Baldus, *quia bodie*, inquit, *raro ob suos errores castigantur Notarii*, factum est, ut *Notariorum imperitia totum mundum repleverit*; sed hoc forsan intellexit Baldus de loco, & tempore, ubi ipse scripsit; non universim; hoc enim Juris-consultus vix dicere potuit, aut debuit. Addunt communiter, exigi, ut Notarius instrumentum publicum confessurus ad id sit rogatus, vel à Judice mandatus; sic Vallensis *h. t. §. 1. n. 2.*

Quæstio est 5. an Notarius rogatus <sup>1799</sup> teneatur per se instrumentum compонere? Resp. ad hanc quæstionem dici affirmativè in *Novella 44. c. 1. ibi: nos autem credimus, oportere universis auxiliari, & communem in omnibus facere legem, quatenus præpositis operi tabellionum, ipsis per se omnibus modis injungatur documentum, ut dum dimittitur, intersit, & non aliter inponatur chartæ completio.* Not. tamen i. si per infirmitatem ipse non posset, de consensu partium, & Judicis Authoritate, per alium vel confici; vel si cœptum est, absolvit potest, ex *c. cum P. 15. h. t.* ubi Gregorius IX. L. Tabellioni rescribens: cum P. Tabellio, inquit, morte præventus, quedam non perfecit instrumenta, quæ in nota redacta fuerant ab eodem: *Ad petitionem eorum, ad quos pertinent, authoritate ordinarii Judicis poteris ea fideliter in in publicam formam redigere, habitura per hoc perpetuam firmitatem.* Ex quo colligitur, requiri, quod partes ad hoc citentur; vel ea, interest, transcribi exemplar; sic Covarruvias *pract. c. 21. n. 6. & alii;* quamvis pluribus exceptionibus (hanc citationem in illis non exigi) firmet Barbofa in *dict. c. 15. n. 3.* quando exemplar transcribitur. Collig. 2. Notario mortuo alium Notarium substitui posse, qui acta ab illo, inserta Protocollo (non autem alia) in solemne instrumentum redigat; ad quod exigitur, ut id fiat authoritate Judicis, de consensu partium, quin de suo aliquid addat, vel demat, ex his, quæ Antecessor Protocollo inseruit, extensis abbreviaturis sibi notis, & appositis clausulis solitis,

solutis, quas Protocollum indicare voluit per clausulam, &cetera. Requiritur tamen, quod Notarius protocollo partibus ostendat prius, quam in formam redigat, id, quod aliqui dicunt, *consultum esse*; Imola vero in dict. c. 15. n. 2. de necessitate, Abbate hoc negante ibid. n. 4. quod non extet ullum jus id præcipiens.

1800. Not. præterea valere instrumentum ab uno ex contrahentibus *compositum*, à Notario solum *descriptum*, & in publicam formam *reductum*; nam per subscriptionem censetur illi tribuere autoritatem suam, modo, si quis ex compositione irrepsisset defectus, rite perpenitus omnibus emendaverit. *Protocollum* porro, ex partium rogatione scriptum, fidem facit de actis, si ita scriptum sit, ut ex eo, quæ acta sint, plenè intelligi possint, uti docet Imola hic n. 3. Felinus n. 1. nam *protocollum*, cum originale sit, præcipuam fidem mereri debet; quandoquidem ad illud recurrendum est, si de instrumento, quod ex protocollo conficitur, dubium incidat, c. quoniam 11. de probat. quamobrem Notarii protocolla servare debent, ut monet Felinus hic n. 2. Durandus in *speculo* l. 2. p. 2. de instrum. edit. §. 8.

1801. Not. 2. scripturam aliquando requiri ad substantiam actus, quandoque solum ad probationem; hinc, ubi scriptura est de substantia negotii, necesse est illam legi coram partibus, & testibus; *coram illis*, ut saltem tacite approbent, vel saltem non contradicant, cum consentire debeat in omnia ejus substantialia, inter quæ est consensus partium in scripturam, conformem earum intentioni, quod præstare non possunt, nisi eam legi audiverint. Dixi, ubi scriptura est de substantia actus, seu contractus; si enim solum exigatur *causa probationis*, & sine illa substantialiter perfectus sit, id non requiritur; cuius ratio est à paritate testium, qui fidem faciunt propter suam autoritatem, non ex voluntate, & approbatione partium, præsertim ubi testes sunt integri; sed ubi scriptura non est de substantia contractus, instrumentum super eo confectum à

Notario pariter integrum est, & ab eo authoritatem habet, non à voluntate, & approbatione partium: ergo; secùs tamen dicendum foret, si partes, vel alteruter contrahentium id prius prælegi postulasset; neque per hoc, quod tale instrumentum fiat *rogatum partium*, rectè dicitur, eas contrahere sub conditione *suspensiva*, dum scriptura fiat, & legatur; nam si voluissent, expresserent.

Not. 3. fieri posse, quod actus, super 1802. quo conficiendum est instrumentum, pendeat, vel ab unius tantum voluntate, vel utriusque; si *primum?* (qualiter fit in additione hæreditatis, vel ejus repudiatione, protestatione, &c.) sufficit, Notarium ab illo rogatum esse; cum non debeat esse in alterius potestate (fortassis non consensuri) instrumenti confectionem impediri: Si *secundum?* necesse est, consentire illum, qui gravatur, seu de cuius præjudicio agitur; si recusaret, in defectu instrumenti probatio fieri deberet per testes; etiam receptos ante litis contestationem ad perpetuam rei memoriam, ubi huic locus est. Unde notandum, vim instrumenti à Notario conficiendi pendere quidem ab autoritate Notarii, sed restricta, ut pendeat à voluntate rogantis, seu exigentis confectionem instrumenti, ut notat Haunold. tom. 5. tr. 4. n. 385. intellige, ubi actus, super quo conficiendum est instrumentum, pendet à voluntate hominis; si enim à natura, seu casu non libero, intervenire debet etiam Judicis auctoritas, ut colligitur ex L. Prætor. ff. de edendo.

Not. 4. Notarium, rogatum, ut conficiat instrumentum super aliquo actu gesto, vel contractu celebrato, non posse recusare suam operam; cum in ordine ad hoc habeat officium; an autem præsumatur rogatus? quando id ex ipso instrumento nec deductivè constat? variant Authores; negantibus quibusdam; quod sit solemnitas extrinseca consistens in facto; factum autem non præsumitur; aliis negantibus, quod (Notarium esse rogatum) non sit solemnitas instrumento publico extrinseca, cum pertineat ad actum, qui est

est de officio Notarii, & necessarium fit, ut hi, qui curarunt instrumentum confici, possint uti ad probandum actum in eo descriptum; nec posse præsumi Notarium prætermisso, quod vi officii, & jure præstare debet; quod tamen fieret, si non rogatus conficeret instrumentum.

## §. 2.

*De requisitis ex parte instrumenti publici.*

1804.

**S**olennitates, quæ se tenent ex parte instrumenti, sunt sequentes 1. ut in eo fiat invocatio divini nominis; 2. annus currens tempore contractū initi, vel rei, super qua conficitur instrumentum; 3. indictio; 4. dies; 5. contractus, vel actus ipse; 6. nomen Papæ, vel Imperatoris, aut Regis; 7. locus; 8. testes; 9. nomen, & signum, seu sigillum Notarii; hæc Arnoldus Corvinus in *l.3. juris canon. tit.29.* ex Speculatore *de instrument. edit.* §. 2. & alii communiter. Circa has solemnitates præmittendum, quod habetur in *c. inter dilectos 6. b. t.* quod satis prolixum continet sequentem casum, ex quo plura ad præsentem materiam resolvi possunt. Lite motâ inter Abbatem de Scozula, & Procuratorem Archiepiscopi Mediolanensis, Abbas petebat Monasterio suo restitui portum Scozulæ, aliasque possessiones, super quibus pro ipso in possessorio pronunciavit Episcopus Veronensis. Allegabat autem 1. privilegium Luitardi Comitis, & Episcopi Lucani, qui hæc omnia donaverant; 2. instrumentum sententiæ Archiepiscopi Mediolanensis, qui ex delegatione Ludovici Imperatoris contra Luitardi nepotem super his pro Monasterio pronuntiavit; 3. privilegia Rom. Imp. præsertim Henrici IV. qui ista confirmaverant; 5. instrumenta locationum, quas fecerant Abbates; 6. denique testes, quod Monasterium à 50. annis, & suprà, ista possederat, ipsamque factæ à Luitardo donationis publicam famam.

1805.

Sed contra privilegium donationis objiciebantur, consumptio indictionis, & in charta vetustissima, scriptura

recentior; Sigilli forma suspecta, quod magis videretur esse Imperatoris, quam Episcopi; in nomine Luitardi duarum Literarum deletio, ut magis referret *Lotarium*; Cera sigilli interior vestutissima, exterior recens, & mollis; sub cera vetusta charta perforata, & glutino novæ ceræ conjuncta; in cæteris privilegiis paria vitia, præterquam in privilegio Henrici, quod tamen non erat publicâ manu confeatum, nec sigillum habebat authenticum. Instrumentum quoque sententiæ Archiepiscopi Mediolanensis erat suspectum, tum ob lituras, tum quia subscriptio non videbatur Notarii &c. neq; hujs sententiæ fiebat mentio in privilegiis Imp. Porro hæc sententia præjudicare non potuit Archiepiscopatu Mediolanensi, utpote res acta inter alios, neq; attestations testium, utpote inter alias personas, & in alio judicio recepta. Deniq; privilegium Henrici ex forma petitoris erat confirmatorium, ac per hoc illæ possessiones per illius privilegium non poterant intelligi *donata*, sed *confirmata*. Cum igitur confirmatorium tantum extiterit, si principale (id est *donatio*) non tenuerit, ergo nec accessorium, id est, confirmatio. Per instrumenta verò locationis, nec proprietas, nec locatio plenè probata est. His ergo perpensis, cum legitimè probata non fuerint, quæ putabantur, ad Monasterium pertinere, procuratorem nomine Archiepiscopi, & Ecclesiæ Mediolanensis ab impetitione Abbatis duxit absolvendum, quia cum obscura jura sunt partium, confuevit contra eum, qui petitor est, judicari; quibus positis:

Prætermittimus hic ea, quæ alienant notant ad hoc c. qualia sunt, tribus modis posse aliquem esse Episcopum, simul & Comitem, vel Ducem, nempe ubi Comitus est annexus Episcopatu; deinde, si Comes retentâ administratione fiat Episcopus; demum ratione sanguinis, seu familiæ; jus enim Nobilitatis non amittitur susceptione sacri ordinis, aut starûs etiam religiosi, ut cum Tiraquelle *de Nobilitate*, c. 26. à n. 3. tradit Sanchez, tom. 2. moral. l.7. c.12. à n. 13. prætermis-

in-